




Broj: 01-02-1-2063/16
Sarajevo, 28. 7. 2016.

ZASTUPNIKU
U ZASTUPNIČKOM DOMU
PARLAMENTARNE SKUPŠTINE
BOSNE I HERCEGOVINE



Predmet: Prijedlog zakona o izmjeni Zakona o Javnom radiotelevizijskom sustavu Bosne i Hercegovine, predlagatelj: zastupnik Mirsad Mešić, dostavlja se

Sukladno Odluci Kolegija Zastupničkog doma Parlamentarne skupštine Bosne i Hercegovine s 32.sjednice, održane 14. lipnja 2016., u privitku Vam dostavljam Prijedlog zakona o izmjeni Zakona o Javnom radiotelevizijskom sustavu Bosne i Hercegovine, čiji je predlagatelj zastupnik Mirsad Mešić, koji je Odjel za lektoriranje Tajništva Parlamentarne skupštine Bosne i Hercegovine lektorirao na bosanski, hrvatski i srpski jezik.

S poštovanjem,

Dostaviti:

- naslovu
- a/a



PRIJEDLOG

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na ____ sjednici Predstavničkog doma, održanoj _____ 2016. godine, i na ____ sjednici Doma naroda, održanoj _____ 2016. godine, usvojila je

ZAKON O IZMJENI ZAKONA O JAVNOM RADIOTELEVIZIJSKOM SISTEMU BOSNE I HERCEGOVINE

Član 1.

U Zakonu o Javnom radiotelevizijskom sistemu Bosne i Hercegovine („Službeni glasnik BiH“, br. 78/05, 35/09, 32/10, 51/15 i 25/16) u članu 42. stav (4) mijenja se i glasi:
„(4) RTV taksu naplaćuju telekom operateri zaključno do 31.12.2016. godine.“

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“.

PSBiH broj: _____/16
_____ 2016. godine
Sarajevo

Predsjedavajući
Predstavničkog doma
Parlamentarne skupštine BiH
Mladen Bosić

Predsjedavajući
Doma naroda
Parlamentarne skupštine BiH
Safet Softić

OBRAZLOŽENJE

I. Pravni osnov

Pravni osnov sadržan je u članu IV. 4. a) Ustava Bosne i Hercegovine kojim je utvrđena nadležnost Parlamentarne skupštine Bosne i Hercegovine za donošenje Zakona.

II. Razlog za donošenje Zakona

Zakonom o Javnom radiotelevizijskom sistemu Bosne i Hercegovine („Službeni glasnik BiH“, br. 78/05, 35/09, 32/10, 51/15 i 25/16) - (u daljnjem tekstu: Zakon) uređen je Javni radiotelevizijski sistem Bosne i Hercegovine i odnosi tri javna RTV servisa i zajedničkog pravnog subjekta unutar tog sistema, kao i njihova djelatnost i organizacija.

Između ostalog, ovim zakonom propisan je i način naplate RTV takse. U skladu s članom 18. stav (3) Zakona, naplatu RTV takse mogu vršiti javni RTV servisi putem vlastitih službi ili taj posao, na ugovornoj osnovi, mogu povjeriti drugim pravnim licima (javna preduzeća, agencije i sl.).

Prijelaznim odredbama Zakona u članu 42. stav (4) propisano je da u periodu važenja prve dozvole Sistema RTV taksu naplaćuju telekom operateri (dozvola Sistema istekla je 26.4.2016.). Dosadašnji način naplate RTV takse produžen je izmjenama Zakona („Sl. glasnik BiH“, br. 51/15 i 25/16) zaključno do 30. juna 2016. godine.

U praksi RTV taksu naplaćuju samo dominantni telekom operateri i to: BH Telecom, HT Mostar i Telekomunikacije RS-a.

Međutim, u skladu sa Zakonom, naplatu RTV takse dužni su vršiti svi operateri telekomunikacija koji obavljaju djelatnost telekomunikacijskih usluga, na osnovu dozvole koju im je izdala Regulatorna agencija za komunikacije Bosne i Hercegovine.

S obzirom na to da nije podržan sistem naplate RTV takse preko računa za električnu energiju i da nije riješeno pitanje naplate RTV takse, smatram da je period od pet mjeseci dovoljan da se definira novi efikasan model naplate RTV takse, te u vezi s tim i predlažem izmjenu Zakona na način da RTV taksu nastavlja naplaćivati telekom operateri zaključno do 31.12.2016.

III. Principi na kojima je Prijedlog zakona zasnovan

Principi na kojima je Prijedlog zakona zasnovan su princip zakonitosti, pravičnosti i transparentnosti.

IV. Obrazloženje pojedinih odredbi Prijedloga zakona

Član 1.

Članom 1. Prijedloga zakona predlaže se izmjena člana 42. stav (4) važećeg zakona na način da RTV taksu nastavljaju naplaćivati telekom operateri zaključno do 31.12.2016.

Član 2.

Članom 2. Prijedloga zakona propisuje se stupanje na snagu Zakona.

V. Finansijski učinci Zakona

Za provođenje ovog zakona nije potrebno osigurati dodatna sredstva u budžetu institucija Bosne i Hercegovine i međunarodnih obaveza Bosne i Hercegovine.

Donošenjem ovog zakona, do postizanja dogovora o novom modelu naplate RTV takse, RTV taksu nastavljaju naplaćivati telekom operateri zaključno do 31.12.2016. Na ovaj način bilo bi omogućeno nesmetano finansiranje i funkcioniranje tri javna RTV servisa u Bosni i Hercegovini.